

Gvangjsih Minzcuz Bau

Guenjbanh: Gvangsiah Bouxcuengh Swcigh Minzcuz Cunghvau Swvu Veijvenzvei Okbanj: Gvangsiah Minzcuz Bause Geiz neix 8 bani
广西民族报 Aenhauh okbanj: CN45-0036 B.2022 Nd.2 Ng.9 Liggaueq nyaemzyinz nienz ndwencieng cogouj Geizsoq: Gungh daih 3510 geiz

Gih Raeuz Ciepdaih Bouxhek Ndawguk 2053 Fanh Lai Vunzbaez 我区接待国内游客 2053 万多人次

Mboengq gvaqcieng, daengx gih gak dieg gungh doiok 546 aen hozdung angqhoh ngoenzciet, doiok 144 hangh banhfap mizleih, vwnzlij hawciengz yienh'ok "feih cieng noengznwd、cauh'eiq moqsag、daegsaek ronghsien" daengj daegdiemj, baeyouz byonghngoenz、baeyouz ngoenz ndeu、baeyouz seiqhenz daengj hawj vunzlai haenggyaez. Ciuq gyoebueng, 7 ngoenz ngoenzciet, daengx gih gungh ciepdaih bouxhek ndawguk 2053.64 fanh vunzbaez, saedyienh lijyouz souhaeuj 129.63 ik maenz.

Vwnzva lijyouz minzsuz hozdung feih cieng noengznwd. Daengx gih gak dieg feihyiz baujhoh cunghsinh doiok "vwnzva haeuj fanh ranz, sibinz cigboq cieng ranzmbanj" hozdung, gwnzsiengq fatboub danz gimzyienzdog 《Gingh Mung Yauz》、caez roq gyong laz 《Fwen Mizdu》、caijcaz

《Nonjliuz》daengj ndaejdaengz vangjiyouj haengj-gyaez. Gak si gunghgung vwnzva cangzgvanj laj-sienq doiok heiqngaueznaeng、cuknyumx、heiq-yungh、daetceij daengj lai loh feihvuzciz vwnzva yizcanj langhbaij hozdung, gak dieg lijyouz ginggih (diemj) guh daejniemh guhcaz、guhceiz、foux lungz foux saeceij daengj lai loh minzsuz biujyienj hozdung.

Huq lijyouz miz daegsaek lairaeuh. Daengx gih gak dieg comzyawj Baekging Dungh'auvei、baeyouz lajmbanj、saekhoengz gyauyuz daengj neiyungz, guh baenzroix hozdung coux ciengmoq miz daegsaek. Ndawde, "coux dungh'au" baenz aen cawjdaez miz daegsaek gvaq ngoenzciet, Liujcwngz Yen Daibingz Cin Lungzhingh Cunh Mbanjgujmwh daengj 3 aen mbanj ndaej senjhaeuj "angqyangz gvaq cieng ·

angqcoux dungh'auvei——ndwenngoenz gyaundeidou" 2022 nienz daengx guk "cunhvanj" diemj guhyienh hozdung, caemhcaiq youq guekgya gunghgung vwnzvayinz bingzdaiz guh langhbaij.

Mboengq ngoenzciet, gak loih "sang moq geiz" huq vwnzlij caeuq hozdung baeyouz miz daegsaek baenz diemjrongh, vwnzlij siuhfei hawciengz bienq hoenghhwd. Nanzningz AC Mall Gohgi Yisuz Cungh-sinh yungh 《Doz Cingmingz Hwnj Haw》guh cawj-daez, yungh gauhgohgi yienh'ok 《Doz Cingmingz Hwnj Haw》gij gingj nauhyied hoenghhwd moq, dajcauh "vwnzva+gohgi" vwnzlij siuhfei yienghmoq. Gveilinz、Liujcouh、Ginhcouh daengj dieg doiok bae vad ruz、bae vad saz、daejniemh mbin liengj daengj hozdung miz daegsaek, bouxhek gaenxmaenx caeuq-faenh.

(Vuz Libingz Lijciyungz)

Sanhgyangh: Ciengq Go Diuq Foux Gvaq Ciengmoq

三江：载歌载舞闹新春

2 nyied 6 hauh, Sanhgyangh Duncuz Swciyen Duncuzloz Myauz-cuz Yangh Gauhbah Cunh guh aen hozdung "yezeje", vunzlai dangdieg guh caij din venz、ciengq golaux Duncuz、doxcomz gwnngaiz daengj cezmuz lai yiengh angq gvaq ciengmoq, langhbaij minzsuz fung-cingz. "Yezeje" dwg Vahdung, eiqsei dwg cizdij baecunz guhhek, dwg loh hozdung guh baengzyoux Dung、Myauz、Yauzcuz. Ndaw doz dwg vunzlai cingq caij din venz.

(Vuz Lenyinh ing)



Dah Liujcouh Yangz Ningz Caeuqfaenh Cienzndenq Dungh'auvei Hojgi 柳州妹杨宁参与冬奥会火炬传递

2 nyied 3 hauh, Yungzsuij Myauzcuz Swciyen Anhcuiz Yangh Gyanghmwnz Cunh Dangcungj-cihbu suhgi、cunhvej cujyin Yangz Ningz dang hojgisouj, youq Hozbwz Canghbawz Yen Dwzswng Cunh diemjviah caeuqfaenh Baekging Dungh'auvei hojgi cienzndenq.

Canghbawz Yen Dwzswng Cunh dwg daengx guk vutgungz gunggeng senhein cizdij, dwg aen camh daihngaih youq Hozbwz cienzndenq hojgi cieprengz. Aen diemjviah cawjdaez dwg "byaij coh saenqhwngh", loh sienq cieprengz daih'iek 3.3 goengleix, gungh miz 54 boux hojgisouj caeuq-

faenh cieprengz, ndawde haujlai boux dwg gihcwngz dangjyenz ganbu youq lajmbanj guhhong.

Yangz Ningz bineix 37 bi, dwg lwg daj iq sengmaj youq Mbanjmyauz, de dayoz bizyez le couh dauqbae Yungzsuij dang cunghanbu, daiq vunzlai vutgungz baenzmiz, hawj Gyanghmwnz Cunh cingzsoq baenz gungzhoh daj 20% gyangq daengz lingz.

"Gou heuh Yangz Ningz, dwg boux cunghanbu Liujcouh Yungzsuij Yen Anhcuiz Yangh Gyanghmwnz Cunhvejvei ndeu, cunghanbu raeuz aeu laebdaeb vih lajmbanj saenqhwngh okrengz

bonjfaenh." Bi'gvaq ndwencieng, Yangz Ningz dangguh bouxvunz senhein vutgungz gunggeng daengx guk 2020 nienz, ndaej hwnj aen cezmuz daegbied yanghsi cunhvanj 《Coh Guekcoj Bauq-lwnh》, de daiqbiuj cunghanbu daengx guk gangj-vah, caeuq beksingq daengx guk doxcaez faen-yiengj gij angqyangz hingz ndaej ciengz ciengq vutgungz gunggeng. Doengh bi neix, Yangz Ningz gonqlaeng ndaej daihbet gaiq daengx guk daudwz mozfan daezmingzciengj、daengx guk sam bet hungzgizsouj、bouxdaiqdaez baenzmiz lajmbanj bouxcoz daengx guk daengj cwnghueh.

(Cangh Gvannenz Couh Cizgyah)